

四庫全書

集部

欽定四庫全書

皇清文頴卷八十一

詩

七言律詩

聖武遠揚青海平定詩六首

有序

徐元夢

維我

國家受天眷命版圖式廓遠過漢唐九服寧一萬姓
恬熙絕島窮徼罔不慕義嚮風爭為臣僕我

皇上膺圖立極繼承

列聖之緒

仁孝光昭

湛恩汪濊凡有血氣之倫胥戴生成之德誠哉天下
歸仁四方以無拂也羅卜藏丹津者青海部落偏
近甘涼自其先世內附有年

聖祖仁皇帝嘉其歸誠寵以王號兄弟數人皆膺顯爵
詎乃陰懷狡黠敢肆跳梁潛通逆寇策妄阿拉蒲

坦首鼠兩端悖德滅義同氣自戕

皇上矜乃冥頑不忍加誅遣使開諭至再至三小醜執

迷

帝赫斯怒

指授方畧命將出師雷轟電掣所向摧靡越今年二月

我師乘機深入晝夜兼行勝氣兆於風雲威聲震

於原野批空擣堅犁庭掃穴生致羅卜藏丹津之

母同惡之貝勒台吉等先後就擒所得輜重人畜

不可計算賊窘迫無歸易衣宵遁是役也兵不過數千人為時僅十有五日較之高宗之伐鬼方不需三載方之虞舜之格有苗未及七旬

廟畧遠頒膚功立奏洵亘古之所未有也捷書上

聞

聖意嘉悅晉封加秩推獎元戎輦賜帑金均勞將士普

天臣庶舞蹈歡呼請

御殿受賀

皇帝謙讓不居曰是惟

皇考簡用之將養之兵克宣乃力用奏膚功朕何有

焉但朕躬即

皇考之躬俟祭告

諸陵勉從所請伏惟我

皇上

宣聰首出睿算周詳

神機獨運動合天心

聖祖仁皇帝陟降在天呼吸罔間

豐功駿烈於是益光赫濯聲靈無遠弗震由此邊塵掃
蕩氛祲廓清橐不戰之弓造可封之俗申有截之

威受無疆之福薄海承休永永無極

臣等叨侍

禁廷受

恩深重愧無江漢常武之作揚厲

神功謹各賦近體詩六章拜手稽首以獻

熙朝文軌庶邦同青海從來候尉通早列屏藩承正朔

久安沙磧沐

皇風跳梁忽軼生成外負固難容覆載中萬里驅除非
得已神機密運付元戎

醜類寧敢恣蔓延師中

錫命

睿謀全韜鈴密授元臣畧節制遙伸大將權刁斗森嚴
開玉帳羽書徵調簇金鞭

聖皇本不矜神武為掃塵氛靖九邊

紛紛馳騎近西涼
螳臂撓車不自量
猛虎怒來無豕突
神鷹搏處失鴟張
氣凌山岳人爭奮
陣列風雲勢莫當
何地尚能容假息
追奔威已震遐荒

正是層冰積雪中
熊羆百隊勢排空
長驅直入軍聲壯
分道窮搜士氣雄
組練有光寒映月
驂騑得路夜嘶風
總因秦愛

恩難報刻日能成不世功

朔吹驚沙撲面迎
犁庭搗穴駭神兵
牛羊徧野隨征纛

甲仗如山雜去旌塵外趨風爭附欵馬前羅拜乞更生
應知此日收殊績制勝

神謨賴

聖明

寢園躬薦正春深

行殿欣傳報捷音

大烈允昭

先世烈

皇心即是

在天心殊方自此無傳箭重譯於今盡獻琛共仰懷柔
文德遠還陳干羽玉階陰

聖武遠揚青海平定詩六首

朱軾

萬國輸忱戴

至尊仁風披拂滿乾坤諸藩久沐

生成德小醜偏忘

覆載恩纔見師中

天討赫俄聞闐外凱歌喧九霄溫律回寒磧春色融融
滿玉門

車書一統會冠裳何事么麼敢陸梁

命將專征乘豫順居中制勝仰

乾剛朱旗煥爛雲霞色紫塞昭回日月光

輦下歡呼聲動地捷書昨夜報飛章

七旬一月溯奇功奚似平邊半月中秋虎旅分行揚武衛

龍韜萬里授元戎全銷兵氣霜降日盡惕

天威草偃風正值辟雍光大典蓼蕭方奏又彤弓

皇仁浩蕩播休和

聖武丕昭慶止戈雲擁旌旄清朔漠霜嚴刁斗靖關河
齊歸風教天無外盡稟聲靈海不波從此九邊閒將吏
軍中惟唱太平歌

寵賚遙頒自

九天千軍拜

命錫金錢芙蓉小隊閒排甲楊柳新堤緩着鞭上澣受

成中澣至鐵衣出塞錦衣旋

王師十萬無遺鏃簫管悠揚入酒泉

脫劍橐弓憇六軍百官齊賀靖塵氛

神謨奮斷承

先志

至德謙尊表

大勲

天地助靈彰赫濯

山陵昭告薦清芬巍巍駿烈光千載

鳳闕長凝五色雲

聖武遠揚青海平定詩六首

福敏

波澄青海淨氛塵遙聽軍書送喜頻
反側早憐輕自絕指揮共仰捷如神
建牙錫號推名將授鉞持權倚重臣
不是開邊勤遠畧須知

王化本無垠

藩封奕葉

聖恩長昧義無端忽啟疆不謂執迷勞

命使尚甘跋扈阻來王潛通遠寇依聲勢近擾隣封恣
陸梁一物豈容遺覆載長驅鐵騎掃欃槍

底用橫行十萬師前軍一戰定邊陲士緣宿飽能深入
將為酬恩屢出奇千羽七旬聞帝典戎軒六月記周詩
何如指日膚功奏不見關山雨雪時

白草黃沙壓陣雲名王面縛已紛紛受降喜氣連營動
奏凱歌聲徧野聞革筇螯弧看滿載明駝駿馬勒成羣

若非

廟畧神無敵那得元戎第一勲

寒食朝

陵孝祀虔翠華行處

玉音宣飛來羽騎傳三捷信是

王師出萬全紫塞已看沾雨露金方從此靖烽烟非關
克敵

龍顏喜喜薦豐功慰

在天

告

廟升中大禮成晉封加秩荷殊榮勲名合上麒麟閣
恩賚還均驃騎營閭闔衣冠齊獻頌明堂琛賁競輸誠
皇威本與天無際億載謳歌樂太平

甲寅元旦立春雪竟日明朝晴霽王大臣稱賀時
祈穀齋期

召入西暖閣愷切訓示恭賦長律一章用誌忻忭

鄂爾泰

元日迎春春便雪回寅恰復會三寅豐登有象

天顏喜符兆初陳

睿旨諄直剖災祥關政事重申敬怠勗臣隣辛盤

賜出齋宮肅大瑞何須紀鳳麟

賜遊西苑恭紀

有序

鄂爾泰

乾隆三年春

上初幸圓明園率同莊親王和親王寧郡王平郡王暨

張相國廷玉大司馬果毅公訥親領侍衛內大臣
常明大司農海望大司空來保泛舟看花徧遊內
所臣爾泰觸景傷懷悲喜駢集不覺涕之沾巾也
退直賦詩用誌悚仄

仙館蓬洲早入門宴遊重許侍

嚴尊驚看故我憐今我慚謝

新恩感

舊恩萬樹桃花紅在眼一湖春水碧無痕問津何處思

前席回首山村淚欲捫

問津屋兩間居河北岸前養病內地佳六所相離咫尺每

對輒就此沿河而南不半里許即樂志山村先帝寢宮在焉今不可復觀矣

甘霖普降

特召大學士

內廷翰林

圓明園泛舟賦詩恭紀

鄂爾泰

溟濛已布次瀧凍告足微愆早勅

躬伏奏既霑時節雨讌遊初領芰荷風恩隨畫舸流光

遠波及平田惠澤通益信

天心感誠德作霖有愧祝年豐

恭讀

御製面賦詩敬依元韻

鄂爾泰

蓬萊洲許侍流觀一擢玻璃海樣寬

色笑中筵頒玉管珠璣滿斛寫綳紈川舟最望於今切
魚水遭逢自古難豈獨近臣忻幸極岸花林鳥亦清歡

己未新正二日

乾清宮侍宴賦栢梁體詩恭和

御製元韻

鄂爾泰

栢梁春宴領班聯

睿藻新裁墨尚鮮
忭舞爭看擎玉盞
頌歌應與被丹絃
昌年重賀元正雪
小會同登

聖主筵喜起一堂
真盛事願將

寶訓記圖編

恭和

御製詠瓶中新荷元韻

鄂爾泰

翠蓋輕欹露點粗
玻璃滿注育靈株
疎櫺香細聞猶遠
錦樣花多看似無
淨妙

睿襟延玉井
清涼仙骨濯冰壺
芙蓉別殿承

恩久靜挹容華敢自娛

容華芙蓉草花
見淮南子注

己未六月六日

上賜玻璃瓶荷恭紀一章敬依元韻

鄂爾泰

曾於圖畫見猶粗
愛出天然供幾株
好相不殊空裏色

真香恰似有中無

用老子妙有語

妙蓮華注琉璃界太液波分

藻鏡壺捧

賜歸來心似水書窓漏永頌康娛

恭和

御製登盤山天成寺江山一覽閣元韻

鄂爾泰

纓巒疊巘天成境

翠輦纔臨氣象分四正

盤山一名四正山

莊嚴呈色相三盤

山有

三盤分
上中下

烟靄入聲聞，叢霄路近塵寰小。洞壑風來玉籟

紛，知有仙靈羣從在蒲團。

石名

箬笠

松名

總如雲

敬讀

御製幸盤山寺閣詩回憶舊遊如夢如覺用抒鄙懷仍

依元韻

鄂爾泰

廿年希到田盤路，天眼模糊地角分。忽捧

奎章忻見見，却從法界注聞聞。烟迷孤嶽橫尤出，風攪
空林靜不紛。何日亭然風頂上，白雲滿袖瞰青雲。

夏日侍諸

皇子瀛臺讀書偶成長句一首用以示勸

福敏

高柳修篁四面陰
纖塵不到講筵深
細旃廣廈無煩暑
要道微言須會心
物我相關方是學
驕矜偶見便非欽
子臣交責非容易
莫為嬉遊廢討尋

己未正月二日

乾清宮侍宴賦栢梁體詩恭和

御製元韻

福敏

開年嘉會集班聯

泰運忻逢雲日鮮
遐邇蒸黎登壽域
融和淑氣應鳴絃
青陽令節方三始
黃耆耆英在四筵
一德從來能致瑞
好將大有紀芸編

多年踪跡廁班聯
玉案親承

睿藻鮮黜勉共期崇聖學
優游未敢奏繁絃
研求經史探精義
貫徹天人

御講筵今日

仁恩徧寰宇持盈更進十思編

己未冬至前三日病中蒙

恩特賜七言近體詩一章謹用元韻恭紀二首

福敏

羅雀門庭過客稀忽傳

天語到林扉

宸章巨麗驚殊寵

聖意高深敢重違人笑龍鍾趨殿陛自憐顛倒着裳衣
病身正似寒松色煦嫗端須旭日暉

知遇由來惟幄重林泉何處勝朱扉精勤夙學衰年廢
卓犖初心老病違懷舊懼生經過夢感恩泪灑解餘衣
可憐遲暮今如此病草難邀春日暉

清潭應

制

阿克敦

宿雨全收拂曉晴碧泓新漲更涵清波分天外雲光淡

影帶洲邊草色明
傍水亭臺炎暑却
隔溪荷芰遠香生
翠華臨處塵埃淨
自有淵淵愜

聖情

過他爾氣嶺

噶爾旦徹零之巢穴在
伊里是嶺乃其門戶也

阿克敦

雪滿陰山勢自橫
中通一嶺類關城
飛泉百道從雲落
亂木千重繞澗生
巖仄有時難並轡
石欹無處不遮行
蠢頑恃此成巢穴
化洽行看險亦平

擬館試為愛寒花晚節香

限香
字韻

德齡

歲蕤翠葉擁花黃
燦映晨霞冷帶霜
故向高秋標正色
不妨孤賞後羣芳
餐英人瘦神俱淡
透月籬疎影亦香
古盎移栽深護養
要看歲暮鬪梅粧

自武關至留壩道中

德齡

果熟紅黃棧路香
征鞍高與雁南翔
巖花淦淦綠雲濕
澗樹沉沉壓水蒼
一線林光深見日
千尋山骨迴含霜
馬蹄縮澀羊腸險
猿鳥秋清引興長

初夏登樓有懷

德齡

雪盡河湟水漫流
綠楊枝外有高樓
欲為登眺消長晝
却對雲山動旅愁
通德門依天北極
護羌人在海西頭
一家兄弟三年別
偏倚長風憶少游

供職

內廷寄呈伯兄

時任西寧遊擊

高斌

夙夜兢兢侍禁闈
凌晨趨入戴星歸
樓頭每憚更催漏
馬上常愁露濕衣
意興懶隨庭鶴舞
夢魂勞逐塞鴻飛

遙憐萬里同明月兄弟相思兩地違

秋日奉差樂亭偕同人夜行四十里至海邊觀日

出

高斌

乘興探奇渤海旁馳看紅日出扶桑霞光彩徹連霄漢
雲淨秋空接大荒青鳥不來仙跡杳蓬瀛何處海天長
魂驚沙岬濤聲急極目徒勞歎望洋

雍正十二年春蒙

恩補授倉場侍郎再赴潞河官署舟中恭紀

塞爾赫

襲袂和風起白蘋
荻芽蒲葉逐時新
掉頭踪跡成閒夢
到眼鷗波即故人
草色平鋪堤上路
柳花飛送鏡中春
恩波湛與長河永
浩浩流來自玉津

恭和

聖製己未元旦韻應

制

塞爾赫

紉綬卿雲瑞葉聯
瞳矐初日曙光鮮
揆將

玉藻輝三殿播作熏風入五絃白雪陽春歌

聖澤

紫宸清闕侍

恩筵

小臣

遭遇隆如此願儆康衢載簡編

瀋陽

塞爾赫

鬱蔥佳氣望中浮沃野膏腴萬落稠向

闕羣峰皆北拱朝宗諸水盡西流高連長白標天柱

山名

俯瞰滄溟敞鳳樓

宮中起三層鳳凰樓

城郭崢嶸民俗古巍巍形

勢

帝王州

恭賦

御製東作勤耕勞衆力

張廷璐

乘春力作向東菑
穡事方興未敢遲
麥隴荷鋤烟雨外
柳陰驅犢夕陽時
催耕鳥喚平疇迴
饁餉人歸穉子隨
最是田家辛苦意
閔農深荷

聖人知

恭賦

御製風枝欲動不聞聲

張廷璐

渭川千畝碧蔥蘢誰寫烟梢尺幅中疑有微風來几席
似看清影拂簾櫳墨痕澹處湘雲動香篆縈時宿霧籠
漫說化工能肖物可知生意滿

宸衷

恭賦

御製田田荷葉雨聲齊

張廷璐

葉葉新荷貼水平輕風拂處晚涼生銀塘忽過霏微雨
翠蓋遙傳浙瀝聲金掌露凝擎沆瀣玉盤珠落聽琮琤
應添太液恩波渥霖霖還知慰

聖情

恭和

聖製三月三日得雨詩

徐本

芳時百穀茁根茲甘雨新霑遠近皆迸玉跳珠千頃合
扶犁荷笠萬民諧風飄繡陌紅香潤雲覆春疇碧色佳

法駕不嫌旌旆濕

宸章揮灑一舒懷

雍正二年

躬耕耨田詩四首

徐本

萬戶千門聽曉鐘

六龍飛處五雲從
青壇蒞止虔崇祀

玉趾親臨首重農
九扈職分瞻肅穆
三推禮具仰從容

我

皇宵旰原無逸稼穡心勞事益恭

旭日旌旗輦路分
肇開東作邁思文
燃蕭默祝千村雨
秉黛深鋤一片雲
柳漸鳴鳩春意滿
杏初飛燕午風薰
袞衣成禮臨黃幄
次第公卿致力勤

鳳城環繞綠疇多
羣仰

躬耕駐玉珂
兆姓盡知敦本意
老農齊唱得年歌
兩岐
定見舒新麥
同頴欣看長瑞禾

帝德天心相契合
豐登寰宇共誠和

春臺昨夜察農祥播種偏宜黍稷良補助

恩波民廣被辛勤穡事

帝先嘗周原膺膺盈千畝夏甸青青裕萬箱不待滌場
田畯喜歡聲早已祝無疆

青海平定詩四首

徐本

運際勲華仰化成如天覆露福蒼生八紘敷教都懷德
九域宣誠一舉兵青海風驅陰霧淨紫垣星耀泰階平
旋師聽唱鐃歌徹桴鼓聲停沙漠清

王師撻伐似摧枯

命將平羌握虎符
兵接前鋒方勝策
窟搜深箐已全俘
敵情狡獪經

宸斷軍令分明出

廟謨去歲今年頻報捷

聖朝神武古來無

幾姓羌渾未合圍
出奇制勝得先幾
黃雲滿塞橫金槊
皓月臨邊掛鐵衣
陣設疑兵驚鶴唳
幕殲殘寇見烏飛

三軍憑仗

天威遠共慶功成振旅歸

瞳瞳日麗九重門宣示邊功

詔語溫仗下獻俘呈斧鉞殿前行賞脫橐鞬元戎秩晉
三公貴上將封崇五等尊萬里烽烟從此息雷霆雨露
總

天恩

河清應瑞詩四首

徐本

洪河迢遞自天來清晏欣逢景運開星渚似移銀漢近
榮光疑並玉繩迴澄波蕩漾逾千里佳氣氤氳遍九垓
治協勲華多上瑞安流更慶淨纖埃

聖世懷柔及百川祥呈四瀆仰

乘乾長占海宇澄清象共沐

恩波浩蕩天瑞雪三冬爭皎潔卿雲五色映淪漣從教
率土沾濡遍

愷澤同流億萬年

平地成天府事釐源清流潔應

昌期瑞逾太皞披圖日

德邁伊耆刻玉時波靜定知塵不染光瑩直比鑑無私
由來史冊稱稀有鳳舞麟遊未及斯

一片澄泓萬象呈舟航如在鏡中行流從砥柱三門遠
氣浹扶輿九曲清協應苞符

天眷厚敬承

謨烈

帝心誠鶚班此日傳

丹詔晉秩千官荷

寵榮

甘霖普降

特召大學士

內廷翰林


圓明園泛舟賦詩恭紀

徐本

甘霖乍喜遍郊畿

詔許新晴覽翠微萬井膏腴方被澤一園草木已含暉
波隨擢影初生穀涼沁荷香暗襲衣幸奉良遊瞻

聖藻疇咨念念切民依



皇清文穎卷八十一

欽定四庫全書

集部

皇清文頴卷八十二

詳校官檢討臣朱依昊

主事銜臣徐以坤覆勘

覆校官中書臣田尹衡

校對官中書臣王彝憲

謄錄監生臣張五誥

謄錄監生臣史廷顥

欽定四庫全書

皇清文頴卷八十二

詩

七言律詩

乾隆三年

聖主躬耕藉田恭紀八首

有序

史貽直

乾隆三年二月辛亥

皇上躬詣藉田享

先農行耕耨禮

臣職在農官備位百寮之末不勝欣幸

竊惟平秩東作始自堯年秉耒南郊詳於周禮潔

粢盛以事

上帝其典特隆敦稼穡以勸民時其儀大備漢則建於

乙地宋則位在辰方展祀則踵乎上辛蠲日則取

乎吉亥

青壇翠幄恒騫柳陌之風縹輓紺轅並借春旗之色陳

於京尹掌自司徒欽惟

皇上仁育羣生智周萬物奉三無私以出治行五達道
以誠民蠲租賜復之詔歲逮於閭閻省耕課稼之
條徧行於郡縣猶復

疇咨民瘼肇舉彛章月在夾鐘日惟淵獻

翠華幸而黼雲密布

朱紘戒而澍雨載零肅奉明禋

神聽有和平之福

躬親御耦農歌皆熙皞之聲土膏潤而生意胥涵地脈

融而根芟畢達從此杏花菖葉村村餅餌生香重
穆雙歧處處桑麻動色縹車不用知為多黍之徵
秧馬初分早叶維魚之夢北里之禾再至部上之
穎方來臣菽麥未分糠粃自媿欣逢盛典邁五帝
而軼三王敬勵官常率百官而生九穀用矢卷阿
之頌爰賡大有之年拜手陳詞不勝鳬藻

禁苑春濃地脈蘇碧莎微潤綠茵鋪三農乍喜甘霖渥
萬乘初臨德意敷柳曳長條迎豹尾桐垂細乳拂魚鬚

芳塋此日瞻仙仗便是幽風教稼圖

率立崇壇陞極重我

皇陟降禮

先農香煙合處知

天眷雲氣凝時仰

聖容升獻三成勤

玉趾樂歌九奏震金鏞和平薦德神昭慶果見千郊雨露濃

錦幄高張綺陌新杏花微颭畫旗春霏霏香霧連平隰
習習條風動遠塵

御耦三推因勸穡王耕一墾為勤民

帝心逸豫農歡樂黃髮扶鳩祝

聖人

韶和應律土膏融吉亥時乘卜屢豐肅肅鈎陳環禁闥
迢迢華蓋御

齋宮官僚儼立青壇外父老歡騰紫陌中草服荷衣咸

拜手共隨京尹效呼嵩

鸞旗風駕

聖心虔遠樹經春翠幄懸風動霓旌烏細轉雲依雉尾
鳳徐騫芙蓉水泛蓮花漏榆莢錢飄柳葉鷲共識

宸遊非玩物由來括后敬民天

勞酒宣慈感

聖恩百僚虎拜沐春溫祈年頻戒蒼龍駕納諫常開白
獸尊寵稔生香敷禹甸黍苗擢穎被周原遐阡邇陌都

如畫乳燕翻飛入繭園

微臣備位忝農官叨與隆儀得壯觀如稼有秋千戶稔
似葵向日寸心丹均平九式承

慈眷游豫三春奉

睿歡奎負只今懷祗懼度支無術分難安

雨餘秧馬欲分窠

聖主勤民感太和已見彤庭生瑞莢還看寢廟薦嘉禾
隴頭漸覺閒遊少犢背惟聞笑語多幸際中天明盛日

始知先陛有賡歌

聖主躬耕耜田恭紀四首

有序

陳惠華

欽惟

皇上深仁浹洽至德光昭孝思肫篤於晨昏誠惻肅將乎
禴祀三才叶應化被垓垓一氣涵濡榮敷草木乃猶
心勤稼穡念切農桑時當

御極之三年節屆陽春之二月農祥初燦土脈方融爰
肅祀事於靈壇用即田功於芳甸綠疇如砥

華袞躬臨葱牓引犁洪縻手試公卿並贊小大成從勤
開一墪而加推喜溢兆人而終畝維時和風徐扇
細雨輕濡杏花菖葉涵

紫極之恩光社鼓田歌播皇州之淑氣要使人知務本
統四海以耕耘從茲戶慶逢年登萬方於仁壽

臣

叨陪鵷序幸從

鸞輿深惟教養之勤莫罄賡颺之願

先天難繪祇同擊壤以興歌周甸親游竊效載芟而奏

詠敬陳七律恭紀

鴻庥

昇平典禮重勤民
千畝欣逢

玉輦巡

恩澤早聞周四海
田功肇即擇元辰
雨暘在念殷憂切
稼穡維艱勸相親
正是仲春東作候
青箱黛耜出

楓宸

靈壇籩豆禮先農
鞭耒

親持映袞龍芳甸乍融春雨細彩旗徐轉瑞雲重健行
欲倍三推數趨贊同時百職從稽首臺前奏終畝十千
亞旅洽歡悰

春滿乾坤二月天桑麻樂利溥無邊愚民但願豐登繼
聖主長懷率作先草印金根浮玉露林搖豹尾裊爐煙
倉庾布穀知人意百轉催迎大有年

霖霖如酥秉耒時

孚誠直與上蒼期太平有象安耕鑿大造無私眷緝熙

帝德儉勤超漢室民風淳厚續幽詩從茲盛典年年舉
不羨開元但具儀

聖主躬耕耨田恭紀六首

梁詩正

聖人繼治重耕桑風夜勤民間未央

詔恤三農

恩屢逮政儲九稔慮彌長謠衢早識流膏遍

秉耒尤徵舉典詳綠野即今春已及天田星現待游場
長養風披紫甸多土膏春動氣全和田功最厯君王念

帝力時聞父老歌
鐘徹朝陽千騎出
旗翻曙影百枝過
鑾輿徐向郊原駐
宿潤猶霑輦路莎

笙鏞旋聽奏

齋宮

黼座精誠冥漠通
黃幄敞來蒼壁薦
青壇啟處紫煙籠
典因民事陳儀肅

帝鑒

君心兆歲豐
最是應期甘澤降
馨香從識感

元宵

禾詞歌徹競扶犁如砥平疇播種宜花繞

帷宮風乍暖樹連春野雨旋滋芳畦塵靜停蔥蒨繡澹
萍開漾綠漪好及元辰興御耦陌頭稼器獻農師

蘭場染屨拂芳烟

天子親農井邑傳修耜共知千畝重加推端為萬民先
喜看亞旅攜鋤至遞見公卿撫耜前借力不忘趨事早
率耕歲歲趁春妍

一尊勞酒進耕餘從此豐穰應不虛
總鉅詎惟供御廩
京坻還見紀鄉閭祥光縹緲浮芳甸
喜氣充盈動屬車
億載朱紘垂令典長瞻景福萃天居

聖主躬耕藉田恭紀八首

吳應棻

三載

仁恩浹萬年一中

主極紹心傳授時堯典敷平秩卜世
姬宗重甫田春滿
乾坤開泰運風和阡陌動祥烟為乘
陽氣勤民事輕暖

輕寒二月天

天意

君心一氣通先期灑道有神功
一犁紅杏枝頭雨幾陣
桃花信後風零露渥兮農具潤
春泥濕處土膏融試聽
仙樂聲和協先奏咸豐後屢豐

郊宮祈穀禮初成又見

金根載耜行后土顯然呈地寶

先農默為助春耕那知耒雨犁雲候
悉載堯咨舜徵情

虔奉棗盛供孝享俱從夙夜殫精誠

聖世明農遠肇基艱難穡事

帝周知中宵時屋茅檐慮郊外欣傳

玉趾移山野農人齊拜袞

文思天子自扶犁勸畊何必三推限五度神龍護彩旗
芳甸寧誇萬彙妍

親偕襁褓下春田豐登惟望餘三九駿發爭看耦十千
民氣暢時民力阜

聖心勞處

聖躬先禾詞語語闢民瘼若較幽風倍恪虔

壇外輕煙濕菜花臺前風物更清嘉神臯共仰千秋舉
御廩應多十倍加但見民情依日月豈知

天意重桑麻殷勤肯便

回鑾早白叟黃童滿道遮

樗材廿載近蓬萊小草欣承雨露培楊柳陰中隨

輦至簫韶聲裏勸農來平疇雨洗秧旗動綺陌風微杜

鼓催一幅昇平好圖畫熙然同樂上春臺

春郊禮畢氣和融原隰杳杳輦路通比歲

賜租過億萬今朝履畝到南東已看擊壤盈畿甸從此
勤農遍域中惇史年年書大有永垂盛典紀皇風

聖主躬耕藉田恭紀四首

許希孔

民事艱難我

后知春和藉畝肇隆儀農星耀彩天文麗穀雨流膏地
脈滋化洽高深歸

主極勤先億兆仰

君慈載歌三十六禾句如誦幽風七月詩

日月交旗出鳳城太平

天子勸深耕青壇岳立丹霄上黃幄雲開綠野平草近
瑯輿含露潤花依玉藻帶霞明

天顏有喜農夫慶匝地懽呼嵩嶽聲

上辛昔拜袞龍衣吉亥今瞻六御飛共識

皇心殷稼穡時勞

清蹕駐郊畿先農既醉黃流瓚保介趨隨玉節揮一壺
三班成禮後知時好雨轉霏霏

帝耜龍蔥靄瑞煙明昭受賜屢豐年誠孚黍稷居歆日
敬在粢盛播種先暖日花村聞鼓籥冰天挂海靖戈鋌
揚庥共進思文頌紀盛還歌於樂篇

聖主躬耕耜田恭紀四首

鄒升恒

昌期致治在勤民稼穡開先事必親祈穀已行元日禮
耜田仍及土膏春風光二月連三月帳殿千人拱

一人共喜乾行乘巽德早看

鸞輅出

楓宸

后稷思文配彼天

齋宮淳濯倍昭虔先時嘉種呈穰穰此日升香肅豆籩
翠柏森森籠寶幄青榆歷歷蔭天田司農大尹齋心待
垂柳陰中進綵鞭

天子親耕一墾開兩行鸛鷺翼登臺旂翻繡幙千層錦

鼓動春塘百面雷清吹冷風吹細籟綠簑微雨淨纖埃
良苗也解懷新澤不用村村布穀催

教孝明農鉅典彰

王畿仍作四方綱民歡補助先成諺

天鑒精誠屢降康春雨一犁秧水綠秋風萬里稻雲黃

微臣

願領瞻蒲衆酌兕同稱萬壽觴

聖主躬耕耜田恭紀八首

于振

淑氣初回禁苑春

皇心無逸為勞民千官肅穆趨青甸萬騎雍容出

紫宸柳葉細裁知令序桐花微綻識芳辰應時甘雨隨
天仗父老歡歌祝

聖人

綺陌芳塋雨露濃青壇嶽立禮

先農時和鳥喚千郊曙春麗鯨鰓萬石鐘展席乍看朱
戚舞燔煙疑有白雲封由來降福皆

神賜知是天心眷

九重

輦路紆迴細草縈齋宮靜闕漏壺清

皇心作肅惟居敬

聖德持盈在立誠九列師師嘉禮備三公翼翼泰階平
侍臣鵲立更衣殿日月昭回

袞繡明

黛耜恭陳錦甸開紺轅在御百僚陪欲教兆姓皆三黼
不惜

皇躬盡五推仙仗續紛輝綵幄農歌來徃徧春垓金鉦
畫鼓聲初罷

天步旋臨視稼臺

公卿秉耒土膏融漠漠輕埃剪剪風九穀允為王道始
千疇還待庶人終劇憐雨後扮榆綠預卜秋來穰稔紅
雲物芊綿占太史昇平時節兆年豐

鑾輅金根出建章羣黎徧德覲

龍光老農拜手隨京兆百辟趨墀引奉常朱草紫華同

翁鬱黃支烏弋畫梯航津莖潤葉真嘉瑞萬彙昭蘇

帝道昌

阡陌縱橫繚粉垣

先皇曾此撫青轅道隆繼述斯為孝澤洽蒸黎豈有譖
從此巍巍歌

聖德即今撫膺頌周原嘉禾九穗尋常事要使淳風邁

帝軒

雍正三年臣振備位
講官曾叨扈從

太寢深嚴綺戶張

一人恭已坐明堂
鳬趨欲效三多祝
虎拜羣稱萬壽觴
大地陽和歸几席
鈞天廣奏叶笙簧

鑾輿迴處聞清蹕
五色卿雲扈九閭

聖主躬耕藉田恭紀四首

有序

金相

欽惟

皇上御極之三年
擇元辰載耒耜

躬耕千畝為天下
先是日也靈雨霏
微休徵協應皆由

我

皇上孝思誠敬千古無與比倫故能上格

天心降茲渥澤天人感應之理尤為顯著者也臣躬逢

盛事目覩嘉祥不揣謏陋謹拜手稽首而獻詩曰

九重春靄曉瞳矓黛耜

親耕鉅典隆解雨時行蒙

聖澤地雷春奮仰神功司農撰器先期告太史占書應

律同最是吾

皇敦稼穡好將圖畫詠幽風

布穀聲喧品彙昌昇平

天子重耕桑雲迎翠輦依壇近花拂青旗夾路香

玉趾按行先虎旅金鞭徐舉燦

龍章侍臣共覩

天顏喜為卜豐年萬國康

御廩神倉備藉田奉先思孝倍心虔青箱種播春膏潤
綠野雲披畫景妍三爵油油分勞酒百僚濟濟侑嘉饗
須知

聖主勤民意祗為蒼生祝有年

細雨濛濛隴麥滋禾詞引唱最相宜靈壇煙靄方呈瑞
繡壤甘霖恰應期東作西成民力普茅簷蔭部屋

帝心知從今不數元和事樂譜新傳賀雨詩

聖主躬耕藉田恭紀四首

有序

嵇璜

臣聞詩詠千畝禮載三推教孝所以盡誠勸農歸

於務本先時有協風之應後車有甘雨之隨惟敬
洽於天人斯澤流於上下乃若元辰載耒經傳祈

穀之文吉亥修儀臺有觀耕之號唐則多增壇壝
宋則屢改樂章往冊所傳盛儀希覲我

皇上本敬天勤民之心普府修事和之化情殷稼穡屏
書無逸之篇儉著松雲座繪幽風之象固已盡力
溝洫皆屬我疆我理之經猶

念供奉神倉務體必躬必親之義值陽春之仲序覽景
物之芳菲御玉輦於東郊駐和鸞於南畝青壇嶽
立九旗飄神鼎之煙翠幙雲凝六律應鈞韶之響

明裡致祭聿享

先農掌次進衣廼容保介服朱紘而

身勸載黛耜以

躬臨維時誠孝感於

天心陰陽和於元氣爰布春雲之漠漠聿興時雨之祁

祁公田藝而地脉俱融嘉穀播而土膏畢發於是

登臺

親閱喜千耦之同耘勞酒頻頒識普天之共慶神都湛

露正羣工拜

賜之辰薄海春風斯萬國被

恩之日既田功之克即乃井養而不窮銅雀徵祥協三
十六禾之祝鯨魚貢瑞超七十二代之編惟時行
以應乾故順動而成豫新儀式煥舊典加隆臣承
恩清禁喜聞大禮之慶成扈

蹕靈壇思效庶人之終畝道揚仁孝愧無潘岳之詞
鼓吹昇平竊附宋祁之頌云爾

星見天田淑氣回青郊

法駕為民來三時耒耜春和始萬井耕桑

帝力開綺陌香雲連寶幄鳳城煙景護崇臺元辰方屆
修儀肅農扈疇咨徧八垓

父老扶犁夾道遮游場清蹕靜無譁青箱嘉種含雲液
縹輓春旗帶露華何幸田間瞻

日月遙聞

天語問桑麻憫農最切祈年望竚聽豐穰祝滿家

曾占好雨恰知時
春野輕勻散似絲
禮重加推明穡事
樂和衆耦譜禾詞
倉庚聲裏金鋤舉
綠柳陰中碧甸滋
歲歲率先勞

玉趾何須七月更陳詩

勞酒初行慶典新
迴鞭不動屬車塵
由來望杏瞻蒲候
即是吹幽飲蜡辰
沛澤三農勤補助
薦馨

九廟洽神人

小臣

載筆賡華黍與物同歌浩蕩春

聖主躬耕藉田恭紀四首

張若靄

農壇佳氣接齋宮

鑾輅

親耕典禮崇四海久應忘

帝力

九重猶自念田功青旗浥露郊原近翠幙連雲閣道通
蓑袂笠簷紛在目不須便殿繪幽風

平田漠漠護春陰履畝躬勞

降輦臨趨事已知民樂業兆康潛卜

帝居歆絲鞭拂處紫煙轉黛耜移時帶雨深一撥乍開
沾灑足早看綠意遍芳林

布穀聲中駐六駟

翠華不為奉

宸遊蒼生預慰篝車望黃屋常先婦子謀千畝流膏敷
帝澤四時備享答神庥歸來勞酒頻宣賜新喜沾

恩次小侯

全家詔祿出堯厨奕世承

恩朶殿趨力穡日聞

天子訓耕犁親見

聖人扶青箱載啟三農利縹軛加推百代模從此曾孫
長介祉年年橐筆紀苞符

皇清文穎卷八十二

欽定四庫全書

皇清文頴卷八十三

詩

七言律詩

乾隆三年

聖主躬耕藉田恭紀二首

徐以烜

聖朝善政首勤民耕藉元辰問禮臣

詔下扈農皆就列仗移耒耜已先陳花迎車蓋千村曉

柳染旌旂一色新
纔出郊圻甘雨霈

九重一念格蒼旻

禾垂九穗麥雙岐
上瑞從今可預期
竟日沾濡天有意
平疇長養地無私
回

鑒共仰

皇情豫終畝還邀麗澤施
此日東郊叨待從含毫齊賦
載芟詩

聖主躬耕藉田恭紀四首

阮學浩

秉耒農祥禮肇行星羅萬井正敷榮上辛早為民祈穀
吉亥還勞

帝教耕好雨知時隨

玉輅芳田含潤度霓旌

聖人舉事孚純佑倣載功宣報順成

御耜

親推禮意虔青箱種桂散朝烟千重柳綠清明後一路
花濃穀雨前縹軛驅犁膏乍起紺轅週畝景無邊大常

樂奏春旂颭淑氣氤氲覆廣阡

庶祗終畝力耕嫻京尹徐分亞旅班最喜

君王臨繡陌得令父老識

宸顏杏花菖葉相將發霧笠烟簑肯放閒始信為農真
足樂神倉粒粒出人間

皇情懽暢兆民知佈靄流芬雨及期春樹人家新沐候
天田雲物正佳時已占周雅千倉慶更介豳風萬壽詩
長此閭閻書大有年年歲歲紀

鴻禧

聖主躬耕藉田恭紀四首

沈慰祖

上腴千畝鳳城邊無逸傳心稼穡先
耒耜利興方二月馨香誠格已三年
祥飄霖霖青壇雨瑞靄氤氲翠幙煙
此日土膏添潤澤東皇貺荅

聖衷虔

先期撰器戒農曹率作寧辭玉趾勞
布穀聲中仙樂奏垂楊影裏羽旂高
綠蓑環拱瞻青輅黛耜頻推動赭袍

獻得盈箱種稔種嘉禾應紀產神臯

蹌濟班聯御耦旁許教野老覲

龍光授時早叶元辰吉終畝還沾勞酒香共喜金根迴

繡甸懸知玉粒裕神倉幽風景物無須繪新輯農書

睿慮長

祈穀曾勞翠輦臨民依纖曲軫

宸襟三春重命

親耕駕四海應知教孝心保介咨茹宣

德意明粢將享卜居歆禾詞唱徹康衢樂長養風來拂
舜琴

聖主躬耕藉田恭紀四首

有序

吳華孫

皇上御極之三年春二月辛亥有事於藉田甘雨時降
大禮慶成百辟羣黎罔不歡悅臣伏惟聖王先成
民而後致力於神藉田之禮綦重周語所謂上帝
之粢盛於是乎出民之蕃庶於是乎生事之共給
於是乎在蘇協輯睦於是乎興財用蕃殖於是乎

始敦龐純固於是乎成是以聖王必躬親之

皇上敬事

天

祖勤勞百姓膏澤洽於羣生咨儆殷乎民事

輯農書以垂萬世法

履千畝以為天下先仰惟

世宗皇帝每歲耕藉加三推禮為四爰乃再進一推所

以虔明禋重民食繼序其皇兢兢勤勤之心恩德

甚厚精意上通靈貺斯答澍雨之祥如期而降蓋
誠敬孚而休徵之應見也昔成周盛時王道洽而
頌聲作有載芟之春耕斯有良耜之秋報相繼歌
咏告成功於神明鏗鉤炳耀垂之無窮然則覩

聖天子盛德之符占年大有作詩歌以嬋雅頌斯其時
也非載筆之臣遭逢之榮幸歟謹拜手稽首而獻
詩曰

雨灑春郊柳拂隄蒼龍夙駕為蒸黎堯年舜日三辰正

禹甸周原萬井齊喜見麴塵清御路恰添新水潤耕犁
皇心祇念民依切輦後新看耒耜攜

功開一壠重

躬耕隴畔欣瞻典禮成父老共扶丹耦出公卿咸御紺
轅行高翻翠靄旂旂影半趨和風笑語聲嘉種乍分生
意足預占大有慰

皇情

升臺臨眺景冲融襍禊還看共勸功三十六禾詞宛轉

億千萬里畝南東早知觀稼

天顏喜咸樂瞻雲衆念同一望烟蓑偕雨笠村村風景

畫圖中

皇仁真比海波深

宵旰常勤稼穡心纔見

郊壇蒼壁薦又瞻

帝藉翠華臨禮行勞酒沾

恩澤樂奏簫韶播

德音幸際昇平陪法從康衢擊壤效謳吟

聖主躬耕藉田恭紀四首

有序

宋楠

臣聞辰角麗天九扈著省功之典勾萌出地三農
遵秉耒之期邇平秩於伊祁首程東作繁艱難於
姬籙獨切西疇粵若帝藉之親耕必涖南郊而肅
事以薦明馨之德則上帝居歆以開率育之功則
蒸民乃粒掌在甸師之職詳於載柞之篇有其舉
之夔乎尚已我

皇上陶鈞六合茂對羣生塵靜波恬保介屢咨於南畝
經阡帶陌農書特輯乎西清遠惟我

聖祖仁皇帝澤被閭閻畫穀宵絲悉繪豳風之歲序嗣
我

世宗憲皇帝恩流墳壤駢枝附穎罔非洪範之休徵我
皇上繼序其皇恫瘝在抱既三年而即吉遂一堡以興
民肅邁蘭場虔臨紺幄雲中布穀偕鳳管以齊鳴
陌上垂楊映龍旂而一色金根車動玉笋班聯蕭

烟縹緲於層城杏雨沾濡於廣隰青箱乍起流珠
顆於芳田縹軹初迴溢天漿於沃壤從此五百里
粟五百里米備染盛醴酪之供佇看八千歲春八
千歲秋紀日月河山之壽七言恭賦四律俱成

康田無逸凜深宮新展龍旂御畝中二月

躬耕循典禮

五朝家法重農功祁寒雪後紫

宸念

御製得雪詩
蒨簷還慮怨祁寒

閔雨春來切

聖衷不似漢唐依故事祇將玉輦玩芳叢

禾詞宛轉彩旂輕鳳吹遙連擊壤聲萬耦犁雲環

帝藉六龍飛雨過春城香飄翠甸花叢濕綠入芳郊

輦路清陞楯不應嫌露立

天衣霑灑為蒼生

錫簫社鼓太平年薄靄輕衣長養天玉液遠滋清畊露
洪縻低拂綠楊烟幽風內苑觀周稼鉤盾西京置漢田
豐澤

御園曾履畝

宸章奕奕五雲邊

紫陌春和萬象舒華滋久已溢衡廬蠲租並歲傳

恩詔發粟連圻走傳車遍

勅花封咨保介別開詞館輯農書

親耕總為民天計珥筆真慙退食餘

聖主躬耕藉田恭紀四首

程鍾彥

寅賓日出應璣璿

盛治昭明稽事先耕鑿八紘同湛露農桑萬井樂光天
膏流嘉種青箱外春藹帷宮黛耜邊

聖主乘乾隆典禮民功首重協康年

瑤壇嶽立藹和風禹甸周原駿發同翠輦路分烟笠外
青旗影動雨犁中

九重肇舉三推禮千畝先勞一墪功十萬提封齊荷鍤
多魚有兆叶年豐

絲鞭颺處景遲遲節鼓聲隨勸稼詞稽古首崇無逸訓

陳風應繼載芟詩紺轅履畝千官集玉粒盈疇九穗滋
穀我生民由

帝力鴻鈞雨露自無私

廣陌橫阡一望開
慈龍佳氣蔚層臺
祥風遠拂青疇過
好雨新隨彩仗來
黍稷萬年馨

帝德倉箱百室阜
民財禮成還蹕傳
清漏五色卿雲護
輦迴

聖主躬耕藉田恭紀四首

馮元欽

青郊時雨灑芳垓保介前驅

萬乘來千畝菑畲華耦集九天珠玉翠疇開生民本計
由多稼盛世農功定阜財明德薦馨還祝歲忻看典禮
重

親推

望耕臺畔擁千官兆庶謹呼夾隴看帶雨蒼龍依紺幄
犁雲葱牯傍青壇膏流沃壤花村靜春滿芳田部屋歡
共識

聖人宵旰意稔知稼穡最艱難

長畦雨過碧氤氳隴首依稀湧濕雲天體

聖心施霖霖人因

帝力重耕耘農祥協應三時順布穀頻催四野聞此日
萬方同秉耒定看嘉種答辛勤

重農貴粟仰

皇衷大有頻書萬寶豐穎合嘉禾紅穠稭岐分瑞麥碧
玲瓏吹幽祭蜡年年事俗厚風淳處處同珥筆

小臣
糜

歲祿慚無鴻筆紀康功

聖主躬耕耜田恭紀四首

有序

曹秀先

粵稽耕耦之由來尚矣其謂國之大事在祀民之
大事在農百穀用成豐年隆禮將以大報本潔明
裡煦嫗休養蕃息齊民治化胥本諸此洪惟我

朝受命恪重田功世世相承禮逾古昔我

皇上御極以來務本重農有加無已

特命儒臣纂輯農書

臣嘗恭誦

睿製豐澤園有記田字房有記耕耦田有賦有詩大哉
王言一哉

王心天下之福也於是三年即吉之初仲春月

躬耕藉田自三王九卿逮夫農官耆老各如禮報事禮

成邦畿悅服萬衆歡呼僉曰

天子紹述大典率作以為天下式祀事孔明孝思維則

平秩東作敬授人時在此舉也臣職司載筆不揣

固陋敬賦律詩四章猶夫耕田者樂康衢飽德者

詠太平云爾

五輅星馳駐翠壇西南郊外擁千官雞翹豹尾因風動
玉帶銀魚拂曉寒縹軛乍迴千畝潤青箱始播萬人歡
香飄九陌春常在

天子先知稼穡難

盛典初成吉亥期陽和徧地總無私六龍帶雨郊原濕
九扈蜚聲野老知短短桃花縈蹕路青青柳色颭春旗
觀耕臺上還凝望絕勝幽風七月詩



清川碧樹互晴陰二月鶯花滿上林
初向郊關田祖迓
即時歌舞太平音迴

鑾五色飛雲繞勞酒三公執爵斟齊上
春臺稱萬壽萬
家生命

聖人心

耕織嘉禾各繪圖我

皇繼述啟苞符星明五穀開銀鏡露浥三危浸玉壺太
史簪毫書大有老人鼓腹在康衢薦馨至治昭全盛清

廟生民播遠謨

聖主躬耕藉田恭紀四首

張映斗

金根捧日駕蒼龍

聖主親耕備禮容
王業開基尊后稷
天田秩祀重先農
青旂載道晨光麗
紫陌連塍曉露濃
一御洪縻登萬寶
早開耕鑿遍

堯封

夾鐘應律日辰良
芳甸初開繡錯長
花拂

鑾輿迎黛耜春浮種稔出青箱旌旗互轉需雲合歌嘏
頻催兌澤瀼

帝恤民依神貺厚正逢甘雨贊農祥

觀耕臺上

赭袍明千畝遙連九野平繞岸綠楊閭士女聯班紅紉
叙公卿鋤雲農具隨行耦觀日耕夫拜寵榮太寢何煩
重

賜宴已蒸和氣作歡聲

康田自古啟鴻模元氣真須

御手扶豈獨民生關

帝力由來髦士即農夫先春已舉祈年禮午夜猶觀無
逸圖三十六禾齊合穎從今歲歲紀苞符

聖主躬耕藉田恭紀四首

陸嘉穎

農祥韶月映春城

帝念民依藉禮行

黼座順時勤稼穡

齋宮先日重染盛雲開雙闕瞻

鑾輅瑞溢三階引翠旌曉樹漸看翻九扈早聞擊壤頌
昇平

青壇嶽立抱非烟佳氣綢繆繞

御前樂奏屢豐神貺洽祀隆七獻

聖心虔至誠自與陰陽會無逸能通造化先好雨知時
工發育為迎

清蹕到天田

龍袞朱紘

睿德昭東阡西陌序羣寮四推加禮神功溥一發含春
地力饒旆影歲穰交衆畝禾詞宛轉徹層霄林間布穀
催耕未萬井笙歌荷

聖朝

觀耕次第遍三農千耦應收畝一鍾地是神臯原陸海
天開沃野總提封薰絃韻叶仁風遠勞酒恩霑湛露濃
玉粒自今皆

帝力溝塍遙護九如松

聖主躬耕藉田恭紀二首

劉綸

帝藉春回斗柄東青壇夙事重

皇躬上辛巳卜升蕭鬯吉亥旋諏獻稷種千畝桐華

清蹕雨一林鳩羽畫旗風為傳太史頻時覩瑞靄遙連

祇祓宮

土脉香生

御耦推南山雲物上觀臺禾詞迭譜三終奏勞酒齊斟

九醞杯並使簪纓知襍禊即看菽粟等瓊瑰豐年何處
占農喜萬井春聲社鼓催

聖主躬耕藉田恭紀四首

齊召南

祈年祈穀總

躬親宵旰勤勞念下民乃擇元辰當吉亥曰咨羲仲掌
中春油雲自幕齋宮地絲雨全銷輦路塵知是大田深
望幸杏花開處倍鮮新

青壇嶽立絳霄邊禋祀先農鬱裸虔華蓋影籠芳甸霧

彩旗香拂

御爐烟耕開隴色移周耜唱徹禾詞叶舜絃率土臣工
欽率作屢豐應覲萬斯年

臺觀丹靺列東菑次第公卿及甸師土脉自看田上上
恩光真與日遲遲種從

御廩青箱播祥卜環邱玉粒垂父老從容瞻睟穆

天顏有喜兆人知

鸞聲和度周原遠龍角明占曉色初搜粟行分都尉節

教田新輯議郎書要令郡國千春樂不止司徒九歲儲
烟火相望萬餘里於今隨處滿篝車

聖主躬耕藉田恭紀四首

朱荃

東風吹雨滿春城太室朝來饗禮行豈以物華供
睿賞祇因農事軫

皇情紺轅過處烟光合芝蓋翻時翠靄迎午夜齋宮隆
感召先將靈貺福蒼生

青郊路近接金隄

鳳輦遙來列仗齊
甫陟瑤臺開宿霧
旋推黛耜潤春泥
堆黃早卜雲千頃
皺綠新添水一犁
好是勾芒方應候
分來嘉種遍芳畦

曲闌披拂柳條斜
行近耕臺駐

翠華已許農民陪
御耦欣看田器出

天家千門碧色閒
芳草一路輕陰護
杏花要識太平原
有象春深何處不桑麻

微雲轉日逗斜暉
才聽宣傳整六飛
四海雨暘皆

帝澤

九重宵旰切民依應知介福神先享預喜祈年願不違
從此農書添紀載三推加二古來稀

聖主躬耕藉田恭紀三首

洪世澤

九衢歌舞入韶年

天子青陽巽令傳共觀光華升舜日羣將耕鑿樂堯天
神功允洽千倉慶王業仍陳七月篇詎乏良農供

御廩為親穡事即康田

祇肅粢盛鉅典崇

九重無逸儆臣工春官是月聞吹簫太史先時奏協風
千畝潛迎天氣降六飛遙履土膏融康衢此日謳吟遍
萬國歡心兆屢豐

肅肅青壇駐

翠旌言乘春令達勾萌禮加周典三推上樂繼幽歛九
奏成淑氣依遲隨

玉趾祥風細轉拂朱絃神倉從此多香飴更覩豐年起

頌聲

聖主躬耕藉田恭紀四首

王會汾

太史先寅撰令儀司農陳器土膏時花迎翠幕晴光轉
嶽立青壇宿露垂一墀聿昭

天子孝千箱兼與萬方期誰編漢志農家說第八周王
訪落詩

玉辰勤民念永圖靈星曉祀設茅菴種頌

椒掖嘉生遂繡袞綬原大塊蘇勞酒自輝周典禮賜租

不數漢規模桑烟柘火窮瀛海鹵澤吟沙總上腴
蒼龍夙駕下

天閭慈愷遵塗引奉常清眈冷風通


御氣杏花榆莢散年芳三登協應鳴銅雀九域貞符貢
玉羊會見詞官陳普淖嘉禾連穠隴雲黃

農鴈頌春促歲功滕開秀色畝南東

神倉待貯曾孫稼幽管還吹

列祖風臚臚原田霑

帝澤陳陳高廩接年豐火畬水耨臣能說願壯飈輪達
聖聰



皇清文穎卷八十三